



Broj:07-07-773-02/05
Mostar, 14.11.2005. godine

Na osnovu člana 12. stav (1) i člana 14. stav (1) Statuta Regulatorne komisije za električnu energiju u Federaciji Bosne i Hercegovine („Službene novine FBiH“ br. 13/04), člana 31., člana 37. stav (5) i člana 53. stav (2) Poslovnika o radu Regulatorne komisije za električnu energiju u Federaciji Bosne i Hercegovine („Službene novine FBiH“ br. 59/04), te člana 36. stav (6), člana 44. stav 2., člana 46. stav (3), člana 48. stav (1) i člana 49. Pravilnika o javnim raspravama i rješavanju zahtjeva i žalbi Regulatorne komisije za električnu energiju u Federaciji Bosne i Hercegovine („Službene novine FBiH“ br. 37/05) i Odluke FERK-a o provođenju prvog tarifnog postupka br. 07-07-745-06/05 od 08.11.2005. godine, rješavajući po zahtjevu za sticanje statusa umješača broj 01-01-770/05 i broj 07-02-646-08/15/05, 07-02-646-08/16/05 i 07-02-646-08/17/05 od 14.11.2005. godine, podnosioca Ministarstva prostornog uređenja, resursa i zaštite okoline u Zapadnohercegovačkom Kantonu, Regulatorna komisija za električnu energiju u FBiH – FERK je, na XVII. redovnoj sjednici, održanoj u Mostaru dana 14.11.2005. godine, donijela slijedeći

ZAKLJUČAK

- I. Odobrava se zahtjev Ministarstva prostornog uređenja, resursa i zaštite okoline u Kantonu Zapadnohercegovačkom za sticanje statusa umješača u prvom tarifnom postupku i to u formalnoj raspravi po zahtjevu za odobrenje tarifa za djelatnost proizvodnje broj 07-02-646/15/05 od 30.09.2005. godine; u formalnoj raspravi po zahtjevima za odobrenje tarifa za djelatnost distribucije broj 07-02-646/16/05 od 30.09.2005. godine i za djelatnost snabdijevanja broj 07-02-646/17/05 od 30.09.2005. godine podnesenim od strane J.P. „Elektroprivreda Hrvatske zajednice Herceg Bosne“ d.d. Mostar.
- II. Sticanje statusa umješača iz tačke I. ovog Zaključka Ministarstvu prostornog uređenja, resursa i zaštite okoline u Kantonu Zapadnohercegovačkom odobrava se pod uslovom da isto, do 17.11.2005. godine do 9:00 sati, dostavi u FERK ovlaštenja da kao umješač zastupa interese odgovarajućih općinskih tijela sa područja Kantona Zapadnohercegovačkog.
- III. Umješaču iz tačke I. ovog Zaključka dozvoljeno je učestvovanje u formalnim raspravama, iznositi dokaze, primjedbe i argumente i pridržavati se postavljenih rokova. Voditelj postupka može ograničiti učestvovanje umješača, u slučajevima kada je to za dobrobit efikasnog vođenja rasprave. Umješač ima i druga prava i obaveze u skladu sa odredbama Poslovnika o radu FERK-a i Pravilnika o javnim raspravama i rješavanju zahtjeva i žalbi FERK-a.



- IV. Ovaj Zaključak stupa na snagu danom donošenja i objavljuje se na oglasnoj tabli i web stranici FERK-a.

O b r a z l o ž e n j e

Član 53. stav (2) Poslovnika o radu FERK-a propisuju da FERK može dodijeliti status umješača licu koje dokaže direktan interes za tarifni postupak, koji je različit općem javnom interesu, te da je umješaču omogućeno da učestvuje u postupku, svjedoči i zahtjeva informacije putem člana FERK-a ili voditelja postupka formalne rasprave. Članom 44. stav 2. Pravilnika o javnim raspravama i rješavanju zahtjeva i žalbi FERK-a određeno je da će FERK izmjeniti postupak formalne rasprave ukoliko je to potrebno kako bi se za dva postojeća elektroprivredna poduzeća ubrao postupak po njihovom prvom zahtjevu za odobrenje tarifa u skladu s FERK-ovim Pravilnikom za tarifnu metodologiju i tarifne postupke („Službene novine FBiH“ br.45/05). U skladu sa članom 46. stav (3) Pravilnika o javnim raspravama i rješavanju zahtjeva i žalbi FERK-a, kriterije za utvrđivanje prava i statusa umješača FERK određuje za svaki konkretan slučaj posebno, zavisno o okolnostima slučaja. Članom 48. stav (1) istog Pravilnika je određeno da FERK o zahtjevu za priznanje statusa umješača odlučuje u roku od 15 dana od dana prijema zahtjeva u FERK. Članom 49. istog Pravilnika propisan je način na koji je umješač ovlašten učestvovati u raspravi.

Odlukom FERK-a o provođenju prvog tarifnog postupka br. 07-07-745-06/05 od 08.11.2005. godine određeno je da status umješača u formalnoj raspravi može steći pravno ili fizičko lice pod uslovom da blagovremeno podnese zahtjev za sticanje statusa umješača, i da ispunjava kriterije: da ima direktan interes u postupku, koji je različit od općeg javnog interesa i da raspolaže podacima i činjenicama od značaja za formalnu raspravu u prvom tarifnom postupku koji se vodi pred FERK-om. FERK je putem Obavještenja za javnost o podnesenim zahtjevima za odobrenje tarifa od strane J.P. »Elektroprivreda Hrvatske zajednice Herceg Bosne« d.d Mostar i održavanju formalnih rasprava, objavljenom u Dnevnom listu i Dnevnom avazu dana 09.11.2005. godine, odredio da zainteresovana lica svoje zahtjeve za sticanje statusa umješača mogu FERK-u podnijeti do 14.11. 2005. godine do 12.00. sati.

Dana 14.11.2005. godine, Ministarstvo prostornog uređenja, resursa i zaštite okoline u Kantonu Zapadnohercegovačkom podnijelo je zahtjev za sticanje statusa umješača u formalnim raspravama u prvom tarifnom postupku koji je u FERK-u primljen pod brojem br. 01-01-770/05, kojim je podnosilac zatražio sticanje statusa umješača u prvom tarifnom postupku, u formalnim raspravama po zahtjevima za odobrenje tarifa podnesenim od strane J.P. „Elektroprivreda Hrvatske zajednice Herceg Bosne“ d.d. Mostar.

U zahtjevu podnosilac je obrazložio svoj direktan interes za sticanje statusa umješača na način da je zakonska obaveza ovog Ministarstva briga o komunalnoj



djelatnosti Kantona Zapadnohercegovačkog, što podrazumijeva i brigu o snabdijevanja pitkom vodom i o javnoj rasvjeti što je u neposrednoj vezi sa cijenama električne energije. Istog dana, FERK je dopisom broj 01-01-770-01/05 zatražio od Ministarstva da detaljnije obrazloži svoj direktan interes za sticanje statusa umješača u formalnim raspravama po zahtjevima za odobrenje tarifa za djelatnost proizvodnje, distribucije i snabdijevanja podnesenim od strane J.P.“Elektroprivreda Hrvatske zajednice Herceg Bosne“ d.d. Mostar i ostavio mu rok za dostavu pojašnjenja zahtjeva za sticanje statusa umješača do 14.11.2005. godine do 12.00. sati.

U ostavljenom roku, podnosilac je dostavio pojašnjenje svoga zahtjeva za sticanje statusa umješača, a koje je FERK primio pod brojevima 07-02-646-08/15/05, 07-02-646-08/16/05 i 07-02-646-08/17/05 i u kojem je obrazložio da je ovo Ministarstvo nadležno za poslove komunalne djelatnosti u Kantonu Zapadnohercegovačkom, što je propisano članom 7. Zakona o kantonalnim ministarstvima i drugim tijelima kantonalne uprave. Obrazložio je da je Zakonom o komunalnoj djelatnosti („NN KZH“ br. 14/00) definirano da su snabdijevanje pitkom vodom i javna rasvjeta komunalne djelatnosti, kao i da J.P.“Elektroprivreda Hrvatske zajednice Herceg Bosne“ d.d. Mostar nije ispunila svoje obaveze iz člana 54. Pravilnika za tarifnu metodologiju i tarifne postupke na osnovu koje bi odgovarajuća općinska tijela bila upoznata sa zahtjevima za odobrenje tarifa električne energije koji je J.P.“Elektroprivreda Hrvatske zajednice Herceg Bosne“ d.d. Mostar podnijela FERK-u.

Rješavajući po zahtjevu za sticanje statusa umješača podnosioca, utvrđeno je da iznos tarife za djelatnost proizvodnje i za djelatnosti distribucije i snabdijevanja električnom energijom direktno utiče na cijenu usluge snabdijevanja pitkom vodom, kao i troškove električne enegije za javnu rasvjetu, koju donose odnosno snose odgovarajuća općinska tijela Kantona Zapadnohercegovačkog. Kako je ovo Ministarstvo nadležno za poslove komunalne djelatnosti odlučeno je kao u tački I. dispozitiva ovog Zaključka pod uslovom da ovo Ministarstvo, do 17.11.2005. godine do 9:00 sati, dostavi u FERK ovlaštenja da kao umješač zastupa interese odgovarajućih općinskih tijela sa područja KZH.

Predsjednik FERK-a
Risto Mandrapa dipl.ing.maš.